



## **TEKS UCAPAN**

**YANG BERHORMAT TUAN ADLY BIN ZAHARI  
TIMBALAN MENTERI PERTAHANAN**

**MAJLIS PERASMIAN RUMAH BINA BAHRU DI BAWAH  
INISIATIF PERUMAHAN VETERAN ATM**

**8 OGOS 2024 (KHAMIS)  
BUKIT KATIL, MELAKA**

مَسْبَدُ اللَّهِ نَحْنُ مُحَرَّلُونَ مِيحرَلا  
(BISMILLAHIRRAHMANIRRAHIM)

الحمد لله رب العالمين والصلوة والسلام على أشرف الأنبياء والمرسلين  
وعلى آله وصحبه أجمعين

(ALHAMDULILLAHIROBBIL 'ALAMIN, WASSOLATU WASSALAMU 'ALA ASROFIL AMBIYA IWAL MURSALIN WA'ALA ALIHI WASOHBIGHI AJ MA'IN)

Segala puji dan syukur dipanjatkan ke hadrat Allah Subhanahu Waata'ala, tuhan sekalian alam serta selawat dan salam ke atas junjungan kita Nabi Muhammad Salallahu Alaihi Wasallam, para sahabat dan keluarga Baginda.

**(SENARAI SALUTASI AKAN DILAMPIRKAN KEMUDIAN OLEH JHEV ATM  
CAWANGAN NEGERI MELAKA / NEGERI SEMBILAN)**

Yang Berbahagia Dato'-Dato', Presiden, YDP, Ahli-ahli Persatuan Veteran, Tuan-Tuan, Puan-Puan yang dikasihi dan dirahmati Allah sekalian.

1. Alhamdulillah, syukur ke Hadrat Ilahi kerana dengan limpah kurniaNya dan anugerah kesihatan yang baik olehNya, maka dapatlah kita sama-sama berkumpul pada hari ini bersempena Majlis Perasmian Program Rumah Bina Baharu di bawah Inisiatif Perumahan Veteran ATM tahun 2024.
2. Di kesempatan ini, saya ingin merakamkan ucapan setinggi-tinggi penghargaan kepada semua atas kesudian untuk hadir pada majlis hari ini. Terima kasih juga kerana mengalu-alukan kehadiran saya di sini.
3. Untuk makluman semua, Kementerian Pertahanan melalui Jabatan Hal Ehwal Veteran ATM (JHEV ATM) sentiasa komited dalam memastikan inisiatif bantuan kebajikan, perubatan, pendidikan dan perumahan diteruskan dengan cekap dan berkualiti.
4. Kementerian juga akan sentiasa berusaha untuk mengenal pasti peluang yang boleh memanfaatkan para veteran selaras dengan agenda pembangunan Malaysia Madani.

Para Hadirin yang saya hormati,

5. Kementerian Pertahanan telah melancarkan Peduli Veteran Madani atau singkatannya PVM pada awal tahun lepas. Ia merupakan platform untuk para pemimpin Kementerian turun padang menyantuni, mendekati dan berinteraksi secara langsung dengan veteran di setiap negeri. Program ini adalah tanda iltizam kementerian yang serius menangani permasalahan dan kebajikan Veteran ATM.

6. Alhamdulillah, melalui program ini, pelbagai input telah diterima hasil daripada sesi dialog bersama veteran, lawatan ke rumah veteran, lawatan kepada usahawan veteran dan sesi ramah mesra bersama persatuan. Saya percaya, Kementerian Pertahanan khususnya JHEV ATM boleh menghasilkan sesuatu yang memberi manfaat kepada komuniti veteran melalui input-input yang dikumpulkan.

Para Hadirin yang saya hormati,

7. Selari dengan agenda kita pada pagi ini, **3 inisiatif bantuan perumahan** telah disediakan untuk membantu Veteran ATM dari golongan berpendapatan rendah yang tidak mempunyai rumah, atau tinggal di rumah usang tetapi mempunyai tanah sendiri yang bersesuaian untuk dibina rumah yang sempurna; iaitu:
  - ✓ Projek SASaR MINDEF dengan kuota sebanyak 15% diperuntukkan untuk Veteran ATM;
  - ✓ Program Bina Baharu ; dan
  - ✓ Program Baik Pulih rumah Veteran.
8. Bagi Program Bina Baharu, Kerajaan telah memperuntukkan sebanyak RM55,000.00 (Semenanjung), RM60,000.00 (Sabah) dan RM65,000.00 (Sarawak). Manakala, pihak Kementerian Kewangan melalui Syarikat Perumahan Negara Berhad (SPNB) pula menyediakan **subsidi sebanyak RM20,000.00** untuk setiap rumah yang dibina.
9. Ini menjadikan kos keseluruhan sebuah rumah bina baharu adalah RM75,000.00, RM80,000.00 dan RM85,000.00 masing-masing di Semenanjung dan Sabah / Sarawak. Sehingga 5 Ogos 2024, sebanyak **49 permohonan bina baharu** dan **129 permohonan baik pulih** telah diluluskan melibatkan peruntukan berjumlah **RM4.73 juta**.

10. Kementerian secara konsistennya telah berusaha untuk **meningkatkan peruntukan** bantuan perumahan **sejak tahun 2021** iaitu dari **RM4.86 juta kepada RM6.18 juta pada tahun 2024**. Tidak terhad kepada bantuan sedia ada, Kementerian melalui JHEV akan terus mengkaji bantuan perumahan dalam pelbagai skim berbeza khusus bagi mereka yang tidak mempunyai tanah atau rumah sedia ada.

Hadirin yang saya hormati sekalian,

11. Di kesempatan ini saya ingin merakamkan ucapan penghargaan kepada pihak SPNB atas kerjasama dalam menjayakan skim bantuan perumahan Veteran ATM. Tidak lupa juga kepada pihak kontraktor yang telah bertungkus lumus melaksanakan pembinaan rumah baharu ini.
12. Saya juga ingin merakamkan setinggi-tinggi penghargaan kepada warga kerja JHEV ATM dan JHEV Cawangan Negeri Melaka dalam menjayakan majlis penyerahan kunci rumah ini.
13. Penghargaan turut diberikan kepada Persatuan-Persatuan Veteran ATM Negeri Melaka kerana sentiasa menyokong dan memberikan kerjasama yang cukup padu dan jitu kepada MINDEF dan JHEV ATM. Tanpa bantuan dan kerjasama dari persatuan, nescaya program pada hari ini tidak dapat berjalan dengan lancar.
14. Akhir kata, adalah menjadi harapan saya supaya inisiatif seumpama ini dapat terus diperkasakan demi memastikan kebajikan Veteran ATM dan keluarga sentiasa terpelihara.

**SEKIAN, WABILAAHITAUIQ WALHIDAYAH WASSALAAMUALAIKUM  
WARAHMATULLAAHI WABARAKAATUH.**